

Julianus igitur, timens fieri in plebe tumultus, et magis seditionis terrores effugiens, quam rationi satisfaciens, jussit ei mammillas et linguam abscindit; deinde fecit illam in hippodromum duci, et tam dia sagittarum jaculationibus infligi, quousque spiritum exhalavit. Est autem passio invictæ martyris Christinæ, nono Kal. aug. Juliano terminata.

Cur insensate furis Urbane? Cur Idion æstnas perditissime? Ad quid truculentissime niteris, Julianæ? excogitate nova et prioribus graviora supplicia, multiplicate verbera, accumulate poenas. At quid juvat sævire iu carnem quam ultronea obtulit lacerandam, et animam quam voluit servare, non delere? Discite tandem, miseri, discite illius gaudium, et sic vestrum spectate interitum. Ecce jam speciosissima virgo post fustes et vincula, post ignem et rotam, post torturas et verbera, post cunam et tonsuras, post truncationes et jacula, ad æterni regis thalamum angelicis manibus asportatur. Vos e contrario dum ad Elysios campos tenditis, arietem Acheronti porrigitis, tamen malorum vestrorum pondere pressam cymbam Stygialis palus absorbit, ingens Cerberus devoravit. Majore quam queat dici poena plectemini, qui in Crucifixum credere contempsistis. Sed tu, o devotissima sponsa Filii Dei, amica Patris omnipotentis, jam habes quod voluisti, jam obtines quod rogasti, jam frueris inenarrabili lucis gaudio, intra ardua divinæ majestatis secreta versaris, ubi familiarius Deo gaudens, cubantem in meridie sponsum juncta adolescentulæ reperisti. Nunc per aïnona convallium purpurei cespitis carpis florentes violas, colligis immarcessibiles rosas metis nardostacheas spicas. Tu modò secus aquarum decursus et vitrei fontis marginem sedes, leni epithalamia murmure concinis. Tu inter virgineos choros regio diademata illustrata resulges. Tu solio Christi assides facta regni æterni particeps. Salve perenniter, puerilare decus, pudor virgineus, virtutis exemplum. Salve perenniter, quæ tuos speciosos artus perpetuæ pudicitæ devovisti. Salve perenniter, quæ totius

A libidinis nescia templum te sancti Spiritus dedisti. Salve perenniter, quæ amplas porticus, et ingentia fundorum spatia fugiens, suscipiens hæreditatem Dei, facta es cohæres Christi. Salve perenniter, quæ tanta exaggerata suppliciis, patrias leges repudiasti, et ad crucis vexillum toto desiderio evolasti. Salve perenniter, quæ principum jussa contempnens pro veritatis testimonio crudeli morte damnata es. Salve perenniter, quæ coeli jam sublimata fastigio digna es filio Dei sposo, et Domino. Et quia nos parendi voto tibi fideles conspicis, audi quod petimus; attende quod per te obtainere desideramus; impetra nobis quoque promissæ vitæ supernæ felicitatem, ad quam ascendere sine tuo juvamine minime condidimus peccatis nostris ita merentibus. Tu ergo apud B Creatorum omnium delictorum nostrorum posce veniam, ut cognitor pius commissis ignoscens nobis famulis multa nostris digna meritis non infligat, et dum in hujus vitæ fragilis brevi tempore degimus, nos ditioni tuae subjectos protege, conserva, benedic, defende, guberna, ac tuis nostras fac mentes laudibus aptas. Ecce, virgo beata, nos gloriosi triumphi tui gesta narravimus, et magni laboris copiosam mercedem paucis significavimus. Tu, si quid minus quam decuit, si quid aliter ac oportuit, dictum est, parce benigna; virgo, ignosce, pia. Igitur, fratres beatissimi, quia beatæ Christinæ triumphalem diem celebri solemnitate deferimus, nobis, quod possumus, de ejus virtutibus vindicemus: ut tanto erga nos ipsa se benevolentius habeat, quanto illam assequi studeat animositas nostra ferventius. Ad hoc namque Dominus seminei nobis sexus exempla proposuit, ut virilis animi robur, quod prave vivendo amisimus, saltem mulierum virtute provocati recto gradiendo tramite resumamus, et sic, beatorum laboribus sociati, per Jacob scalam concendere illuc ubi dominus Jesus Christus residet valeamus, qui cum Patre, et Spiritu sancto vivit, et regnat Deus in sæcula sæculorum. Amen.

Explicit passio S. Christinæ.

ANNO DOMINI MLXXXIV.

GUAIFERIUS

CASINENSIS MONACHUS.

NOTITIA HISTORICA IN GUAIFERIUM

(FABRIC., *Biblioth. mediæ et infimæ Latinitatis*, III, 25.)

Benedictus qui et Gauferius, Guifertus, Gaviferius, Solernitanus, monachus Casinensis, circa an. 1060 scripsit, teste Petro Diacono, De viris illustribus Casinensis, cap. 29, ad Stephanum Trojanum episcopum Vitam S. Secundini Ecanensis sive Trojani episcopi, et cantum ejus: Versus in laudem Psalterii. De miraculo illius qui se ipsum occidit et per B. Jacobum vitæ redditus est. De conversione quorundam Salernitanorum. De laude S. Martini (1) episcopi. In laudem S. Secundini. Hymnos de eodem. Homiliam de Ad-

(1) Non Marbini, ut vitiouse excusum in clariss. Leyseri Historia poetarum medii ævi, pag. 548

ventu. *Sermones de Nativitate Domini, de Epiphania, de coena Domini, de Septuagesima, de ramis Palmaturum. Passionem S. Lucii papæ. Ex his Vita S. Secundini edita est ab Ughello, tom. I. Italæ sacrae, pag. 1536. Et carmen elegiacum in ejus laudem, quod incipit :*

Adsit tota tuis festis festiva diebus,

p. 1341, et *Hymnus sapphico carmine, cuius initium Christe Rex regum, pretium piorum pag. 1342 seq.* *Vitam S. Lucii I papæ A. 255 defuncti, sed extrema parte mutilam, ex ms. Casinensi vulgavit Henschenius in Actis Sanctorum, tom. I Martii die 4, p. 304-307. Cætera in luce n proferre promiserat an. 1655 Joan. Baptista Marus, notis ad Petrum Diaconum, sed morte præventus alii hæc edenda reliquit.*

[Acta inventionis S. Secundini, non vero illius Vitam edidit primus omnium Ughellius; eandem, aliquantis per tam diversam et ms. codice reproduxit Bollandus ad diem 11 Febr. Utramque ab autographo Cassinensi non nihil discrepare monet Gattola, Histor. Cassin. Secul. VI. pag. 187. In praesertim discrimen illud notatur. Quo enim loco Bollandi editio præfert: *Coepiscopate sancte*, ex quo episcopalis dignitas Gauferio assereretur sincerus auctoris codex (in Cassinensi bibliotheca servatus, ut credo) legit *Episcopate sancte*. Ita vero legendum, quamvis etiam in edito Gattolæ mendo typographi sit: *Coepiscopate sancte*, idem Gattola monet. MANSI.]

CARMINA GUAIFERII

CASINENSIS MONACHII

(Partim primus edidit, partim edita recognovit dominus Ozanam in libro supra laudato: Documentis inédits, &c., pag. 272-287.)

I.

Versus in laudem Psalterii.

Verba tene vita; quæ Verbum, vita, notavit,
Regia lingua tulit, de cuius semine regis.
Rex regum mundo voluit sine semine nasci.
His ergo libeat, quibus utens vixeris, uti:
Ipse per hæc vitam qui protulit ipse recepit,
Factus et exemplum, scelerum qui morte labarent
Ad vitam docuit virtutum posse reverti,
Ac velut emeritos ad præmia digna citari.
Sed fletu, gemitu, lacrymis iniiteris oportet
Cui par esse velis venia, virtute, triumpho:
Qualiter admissum deslebat qui comedebat
Ut panem cinerem, miscebat pocula fletu!
Quamque gemebat et hærecbat, cui sumere panem
Excederat gemitu, gemitu quoque qui rugiebat
Præ nimio cordis, lacrymarum quanta profudit
Flumina, non alio qui stratum fonte rigabat
In noctes, scelerum lacrymas sequabat acervum
Quo desiderio, quo flendi flebat amore
Cui lacrymæ panes, habitatio, deliciaeque,
Cui lacrymæ potus noctesque diesque fuere!
Diluvium hic lacrymas, lacrymas appellat abyssum,
Quod nec diluvium plus diluit his, nec abyssus
Altior est, tetram penetrant quæ mentis abyssum.
Illoc in diluvio Domino vicinus hæres:
Hoc habitat Deus, invocat hæc et abyssus abyssum.
Scilicet amplexat pietatis cuncta profundum.
His vates lacrymis lacrymas evasit Averni:
His veniam meruit, virtutibus et reparari,
His nive candidior fieri, mundisque creatio
Visceribus, rectus his spiritus est renovatus.
His Deus inspicitur, his spiritus almus habetur,
Hisque salutaris redduntur gaudia Patris.
His quoque qui Pater est confirmat Spiritus: hæc

[sunt
Lætitiae summæ quæ gignunt semina fruges:

A Hæc sunt vitales quæ mittunt germina fructus,
Fertque salutiferos talis plantatio botros.
Ecce magisterium debenti ftere reatum:
Ecce rudimentum sperandi; norma cavendi.
Peccasti, reus es, desle cum rege restum:
Saucius es graviter, spera cum vate salutem.
Justus es, inde cave: quis enim vel justior iste
Justitiæque fuit dilectior Omnipotenti,
De cuius fructu ventris, cui sidera sedes
Sede super propria juravit se positurum,
Et posuit; quem præcipuo testatur amore
Servum sæpe suum proprio oleo se unguente
[perunctum?

Sed magna tantus vir corruit iste ruina:
Mox tamen unde ruit moerore levante resedit.

B Tu tamen audita venia peccare recusa,
Vel quia non tantos valeas tolerare labores,
Vel quia pugnet ad hoc fragilis brevatio vitæ,
Et quia non tantæ virtutis es ante reatum,
Ut vitiis careas, virtutibus ut renitescas,
Utque beatorum felici sorte fruaris.
Hic docet in proprio loca per diversa libello:
Pestis, avaritiae fons et caput est vitiorum,
Quæ partim rerum, partim cupiens et honorum,
Hinc et perfidiam, sordes, insomnia, curas,
Commenta, fraudes, homicidia, furtæ, rapinas.
Cæteraque innumeram generat generantia prole.
Illinc invidiam, contemptum, bella, furores,
Id genus et reliqua creat ampio germinate feta.
Hinc alias spoliat spoliis, quibus ipsa gravetur;

C Inde suos, alias ut detet; vendita quorum
Lingua graves vitiis clamet virtute refertos.
Illinc occultis jaculis, hinc sevit apertis,
Membra lupina gerens, speciem hinc affectat ovum.
Nil habet hæc pensi turpis vel fœda videri,

Vertice verticibus tot viperæ crescit utroque!